

## ДУХОВНЫЕ НАСТАВЛЕНИЯ ХРИСТИАНИНУ<sup>323</sup>

(л. 298 а) *Великий Государь Царь и Великий Князь Алексей Михайлович всеа великия и малыя и белыя Росии самодержец, изволь милостиво сие тратити приняти Божия завета нужнейшиа заповеди, без них же невозможно всякому христианину спастися, и со вниманием вычести, всяко познаеши недостаточество свое пред Господом Богом и ближнему любовь паще почтеша. Надеюся на Господа, яко милостив будеша нам. Аминь.*

(л. 299) Яко подобает веровавшим Богуи первее каятися по проповеди Иоаннове и самого Господа нашего Иисуса Христа, горше бо от иже прежде благовестия осужденных иже ныне не кающийся.

### Евангелие

Отголе<sup>324</sup> начат Иисус проповедати и глаголати: Покайтесь, приближи бо ся Царство Небесное.

(л. 299 об.) Тогда<sup>325</sup> начат поносити градовом, в них же быша множайшая силы его; яко не покаяшася, горе тебе, Хоразин! горе тебе, Вивсаида! Аще в Тире и Сидоне быша были силы бывшая в вас, древле убо во вретиси и попеле сядяще покаялися быша, обаче Тиру и Сидону отраднее будет в день судный, неже вам.

Придоша<sup>326</sup> же неции в то время, возвещающе Ему о галилеох, их же кровь Пилат смеси с жертвами их. И отвещав Иисус, рече им: Мните ли, яко галилеяне сии грешнейши (л. 300) паче всех галилеян бяху, яко сице пострадаша? Ни, глаголю вам, но аще не покается, вси такожде погибнете. Или они осмьнадесяте, на них же паде столп Силоамский и поби их, мните ли, яко тии должнейшии бяху, паче всех человек живущих во Иерусалиме? Ни, глаголю вам, но аще не покается, вси такожде погибнете.

### Апостол

Ни<sup>327</sup> же ропщите, яко же неции от них ропташа и погибоша от всегубителя. Сия же случишася о Нем, написа же ся в наше наказание, в них же кончина веков достиже.

(л. 301) Яко тех, иже во злых делех сущая, к мучению множицею предает ради предворшаго нечестия.

И яко<sup>328</sup> не искусиша Бога имети в разуме, сего ради предаст их Бог в неискусен ум творити неподобная.

Елма<sup>329</sup> любовь не прияша истиную, еже спастися им. Сего ради посла им Бог действо прелести во еже веровати им во лжу.

(л. 302) Яко всяко сопротивословие, аще и от любовнаго и благоговейнаго сложения будет, отнюждает от Господа сопротив глаголющаго. Всяк же глагол Господень со всяцем извещением приимати подобает.

Отголе<sup>330</sup> начат Иисус сказовати учеником Своим, яко подобает Ему ити во Иерусалим и много пострадади от старец и архиерей и книжник, и убиену быти, и в третий день воскреснути. И предварив Его, Петр начат претити Ему, глаголя: Милостив Ты, Господи, не имать Тебе быти се. И обращься Иисус рече Петрови: Иди за Мя, сатано, соблазн Ми еси, яко (л. 302 об.) не мыслиши, яже суть Божия, но яже человеческа.

И начат<sup>331</sup> умывати ноги учеником и отирати лентием, имже бе препоясан. Прииде убо к Симону Петру, и глагола Ему он: Господи, Ты ли мои умыеши нозе? Отвещав Иисус, рече ему: Еже Аз творю, ты не веси ныне, разумеши же по сих. Глагола Ему Петр: Не умыеши нозе мои веки. Отвещав ему Иисус: Аще не умою тебе, не имаши части со Мною.

(л. 303) Яко не достоин преданиом человеческим последовати и отметати заповеди Божия.

По сих вопрошиша Его<sup>332</sup> фарисее и книжницы: Почто ученицы Твои не ходят по преданию старец, но неумовенными руками снедают хлеб? Он же отвещав, рече им: Яко добре пророчествова Исаия о вас, лицемерех, яко ж есть писано: сии людие устнами чтут Мя, сердце ж далече отстоит от Мене. Сии же чтут Мя, учаще учения заповедий человеческих. Оставльше бо заповеди Божия, держите предания человеческа.

(л. 304) Яко подобает вся неприступно хранити, яже Евангелием и Апостолы от Господа преданая.

Шедше<sup>333</sup>, научите вся языки, крестяще их во имя Отца и Сына и Святаго Духа, учаще их блюсти вся, елика заповедах вам.

Бяху<sup>334</sup> бо праведни обои пред Богом, ходяща во всех заповедех и оправданиох Господних непорочно.

Слушай<sup>335</sup> вас Мене слушает, и отметаяся вас Мене отмечается, отметая же ся Мене отмечается и пославшаго Мя<sup>336</sup>.

(л. 305) Яко обличение еже не любити Бога и Христа Его, еже заповеди Его не творити, показание же еже любити творение заповедей Христовых и терпение во еже о Нем страданиох даже до смерти.

Имей<sup>337</sup> заповеди Моя и творяй их, он есть любяй Мя. Не любяй Мя словес Моих не соблюдает.

Аще<sup>338</sup> заповеди Моя соблюдете, пребудете в любви Моей. Яко ж Аз заповеди Моя моего соблюдох и пребываю в того любви.

Аще<sup>339</sup> пребудете во Мне, и глаголи Мои в вас пребудут. Еще же, аще хотите просите, и будет вам.

(л. 306) Аще<sup>340</sup> вы пребудете в словеси Моем, воистину ученицы Мои будете и разумеете истину, и истина свободит вы.

И<sup>341</sup> аще кто услышит глаголы Моя и не верует, Аз не сужду ему. Не приидох бо да сужду миру, но да спасу мир. Отметаяся Мене и не приемля глагол Моих, имать судящаго ему, слово, еже глаголах, то судит ему в последний день. Прочая.

#### **Апостол**

Кто<sup>342</sup> ны разлучит от любве Христовы, скорбь ли или теснота, или беда, или меч, яко же есть писано, яко тебе ради умерщвляемы есмы весь день (л. 306 об.) вменихомся, яко овца заколения. Но о всех сих препобеждаем за возлюбльшаго нас. И прочая.

(л. 307) Яко почитати и славити Бога, иже волю Его делаяй. Обезчещает же преступаяй того закон.

Аз<sup>343</sup> прославих тя на земли, дело соверших, еже дал еси мне, да сотворю.

Сице<sup>344</sup> да возсияет свет ваш пред человеки, яко да видят ваша добрая дела, и прославят Отца вашего, иже на небесех.

Да<sup>345</sup> будете светли чистотою и непорочни в день Христов, исполнени плоды правды Иисусом Христом в славу и похвалу Божию.

Иже в закон хвалишися, преступлением закона Богу досаждаеши.

(л. 308) Яко аще и мнит кто исповедати Господа и слышати слово Его, не покоряет же ся заповедем Его, осудися, аще и в дарованиих духовных некоего строения ради будет прощаем.

Не<sup>346</sup> всяк глаголай Ми «Господи! Господи!», внидет во Царство Небесное, но творяй волю Отца Моего, иже на небесех. Мнози рекут Мне во он день: Господи, Господи, не Твоим ли именем пророчествовахом и Твоим именем бесы изгонихом, и Твоим именем силы многи сотворихом. И тогда исповем им, яко николи же знах вас, отыдете от Мене, делателие беззакония. Всяк убо, иже слышит словеса (л. 308 об.) Моя сия и творит их, уподоблю его мужу мудру, иже созда храмину свою на камени, и сниде дождь, и приидоша реки, и возвеша ветри, и оброщася храмине той, и не падеся, основана бо бе на камени. И всяк слышай словеса Моя

сия и не творяй их подобен есть мужу бую, иже созда храмину свою на песце, и сниде дождь, и приидоша реки, и возвеша ветри, и оброщася храмине той и паде, и бе падение ея велие.

Что<sup>347</sup> же Мя зовете «Господи! Господи!» и не творите, яже Аз глаголю. И прочая.

(л. 309) Бога<sup>348</sup> исповедают ведати, дела же Его отменются, мерзцы суще и непокоривии, и на всяко дело благо неискусни.

Ты<sup>349</sup> веруеши, яко Бог един есть, добро твориши, и беси веруют и трепещут. Хощеши ли разумети, о человеце суетне, яко вера без дел мертва есть<sup>350</sup>.

И по мале: Яко ж бо тело без духа мертво есть, тако и вера без дел мертва есть.

(л. 310) Яко иже о малых не веруяй Богови явлен есть много первее о лучших не веровав.

Аще<sup>351</sup> земная рекох вам, и не веруете, како, аще реку вам небесная, веруете?

Верный<sup>352</sup> в мале и во мнозе верен есть, и неправеден в мале и во мнозе неправеден есть.

Кая<sup>353</sup> полза, братиа моя, аще веру глаголет кто имети, дел же не имать, егда может вера спасти его. И прочее.

(л. 311) Яко не подобает небрежи влагающих разум со вниманием Господня словеса слышащему внимати и творити хотения Его.

Отвещав<sup>354</sup> же Петр, рече Ему: Скажи нам притчу сию. Иисус же рече: Единаче ли и вы без разума есте, неужели разумеаете, яко всяко входящее во уста во утробу вмещается, и афедромом исходит, и сквернят человека.

Всякому<sup>355</sup> слышащему слово царствия и не внимающу, приходит лукавый и восхищает сеянное в сердцах его. Се есть иже при пути сеянное. И по мале: А иже на добрей земли сеянное, се есть слышай слово и разумеваея, (л. 311 об.) иже плод приносит и творит, ово убо сто, ово ж шестьдесят, ово тридесят.

И<sup>356</sup> призвав народ, рече им: Слышите вси и разумеите. И проч.

Блюдите<sup>357</sup> убо како опасно ходите, не яко немудри, но яко премудри: искупующе время, яко дние зли суть. Сего ради не бывайте безумни, но разумевающе, что есть воля Божия святая и угодная.

(л. 312) Яко горше убо осуждение ведящих и не творящих, неже еже по неведению согрешати безбедно.

Он<sup>358</sup> же раб, ведый волю Господина своего и не сотворь, ниже уготовлься к хотению Его, биен будет много. Не будет много. Ни же достойная ранам, биен будет мало.

(л. 313) Яко кончина греху смерть.

Непокаряяй же ся<sup>359</sup> Сыну не узрит жизни, но гнев Божий пребывает на нем.

Егда<sup>360</sup> раби бесте греху, свободни бесте от правды, кий убо плод иместе тогда. Оних же ныне стыдитесь, кончина онем смерть. И по мале: Приобретение бо греха смерть, жало смерти грех.

(л. 314) Яко кончина заповеди Божия жизнь вечная.

Аминь<sup>361</sup>, аминь, глаголю вам, аще кто слово Мое соблюдет, смерти не узрит вовеки.

Но<sup>362</sup> пославый Мя Отец, Той мне заповедь даст, что реку или что возглаголю, и вем, яко заповедь Его живот вечный есть.

Ныне<sup>363</sup> же свободждшеся от греха, поработивше же ся Богови, имате плод ваш во святыню, кончина же жизнь вечная.

(л. 315) Яко не подобает преобидети судьбы Божия, но бояться, аще и не абие воздаяние будет.

Убойте же ся<sup>364</sup> паче могущаго и душу и тело погубити в геене.

Аще<sup>365</sup> же речет раб он в сердцах своем: Укоснит Господин мой приити, начнет бити рабы и рабыня, ясти же и пити и упиватися; приидет Господин раба того в день, в онь же не чае, и в час, в онь же не весть, и разсечет его пол, и часть его с неверными положит.

Се<sup>366</sup> здрав бысть, к тому не согрешай, да не горее ти что будет.

(л. 315 об.) Блюдите<sup>367</sup> убо, да не приидет на вы реченное во пророце: Видите нерадивии и чюдитесь, и узрите, и исчезнете, понеже дело Аз соделаю во днех ваших, ему же не имате

веровати, аще кто возвестит вам. Да никто ж вас льстит тщимы словесы, сих бо ради грядет гнев Божий на сыны непокоривыя.

(л. 316) Яко делание греха отчуждает от Бога и присвоает дияволу.

Аминь<sup>368</sup>, аминь, глаголю вам, яко всяк творяй грех раб есть греху.

Вы<sup>369</sup> отца вашего диявола и похоти отца вашего хотите творити.

Егда бо раби бесте греху, свободни бесте от правды.

(л. 317) Яко иже к Богу присвоение не во плоти сродства познавается, но в потщании хотениих Божиих исправляется.

Сый<sup>370</sup> от Бога глаголы Божия послушает. И<sup>371</sup> возвестиша ему, глаголюще: Мати Твоя и братия Твоя вне стоят, видети Тя хотяще. Он же отвещав, рече им: Мати Моя и братия Моя суть слышаши слово Божие и творящи его.

Он<sup>372</sup> же рече: Тем же убо блажени слышаши слово Божие и хранящи его.

Иже<sup>373</sup> несть со Мною, на Мя есть, иже не собирает со Мною, растачает.

Вы<sup>374</sup> друзи Мои будете, аще творите, (л. 317 об.) елика Аз вам заповедаю.

Елицы<sup>375</sup> духом Божиим водятся, сии суть сынове Божии.

(л. 318) Яко не достоин лгати, но истинствовати во всем.

Да<sup>376</sup> будет же слово ваше еже ей, ей, ни, ни, множайше же сего от лукаваго есть.

Отложивше<sup>377</sup> лжу, глаголите истину койждо ко искренему своему.

Не<sup>378</sup> лжите друг на друга.

(л. 318 об.) Яко подобает всякому глаголу или вещи верна приводити свидетельства от богодухновенных книг писаний во извещение убо благому, в постыжение ж лукавому.

И<sup>379</sup> пришед<sup>380</sup> к Нему искуситель, рече: Аще Сын еси Божий, рци камению сему, да хлеби будут. Он же отвещав, рече: Писано есть: не о хлебе едином жив будет человек, но о всяком глаголе, исходящем изо уст Божиих.

По<sup>381</sup> сих вопросиша Его фарисее и книжницы: Почто ученицы Твои не ходят по преданию старец, но неумовенныма рукама снедают хлеб? Он же отвещав, рече им: Яко добре пророчествова (л. 319) Исаия о вас, лицемерех, яко же есть писано: сии людие устнама чтут Мя, сердце же их далече отстоит от Мене. Сии же чтут Мя, учаще учения заповедей человеческих оставльше заповеди Божия.

Мужие<sup>382</sup> иудейстии и живуции во Иерусалиме вси, се вам разумно да будет, и внушите словеса Моя, не бо яко же вы мните, сии пьяни суть, есть бо час третий дне, но се есть реченное пророком Иоилем: И будет в последняя дни, глаголет Господь: излию от Духа Моего на всяку плоть, и прорекут сынове ваши. И проч.

(л. 320) Яко не достоин просто, ниже неиспытателне от лицемерствующих истину совосхищаться, от данаго ж нам от писаний воображения познавати.

Внемлите<sup>383</sup> же, от ложных пророк, иже приходят к вам во одеждах овчих, внутрь же суть волцы хищницы, от плод их познаете их.

От<sup>384</sup> сего уведят вси, яко Мои ученицы есте, аще любовь имате друг ко другу.

Ведети<sup>385</sup> вам, яко никто же духом глаголай речет анафема Иисуса.

(л. 321) Яко не подобает инако учащим внимати, аще и воображаются во еже прельстити на обличение неизвещенных.

Блюдитесь<sup>386</sup>, да не кто вас прельстит. Мнози бо приидут во имя Мое глаголюще, яко аз есмь Христос, и многи прельстят.

Внемлите<sup>387</sup>, от книжник, хотящих ходити во одеждах и любящих целования на торжищих и предвозлежания на вечерях, иже снедают дома вдовиц, виною далече молящися, сии приимут множайший суд.

Но<sup>388</sup> аще мы или ангел с небесе благовестит вам паче, еже благове(л. 321 об.)стихом вам, анафема да будет. И яко же прежде рех, и ныне глаголю, аще кто вам благовестит паче, еже приясте, проклят да будет.

(л. 322) Яко достоин первее себе исправляти якове любого согрешения и потом иного обличати или судити.

Что<sup>389</sup> же видиши сучец во оце брата твоего, бердна ж в твоём оце не смотряеши, или како речеши брату своему: остави, да изму сучец изо ока твоего, и се бердно во оце твоём; лицемере, изми первее бердно из очесе твоего и тогда прозриши изъяти сучец изо очеса брата твоего.

Приведоша<sup>390</sup> же книжницы и фарисее к Нему жену, в прелюбодеянии яту, и поставиша ю посреде, глаголаша Ему: Учителю, сия (л. 322 об.) жена ята есть ныне в прелюбодеянии, в законе же нам Моисей повеле таковыя камением побивати, Ты же что глаголеши? Се же реша искушающе Его, да быша имели что глаголати нань. Иисус же долу преклонися, перстом писаше на земли, не слагая им, якоже прилежаху вопрошающе Его восклонься, рече к ним: Иже есть без греха в вас, прежде верзи камень на ню. И паки долу преклонься, писаше на земли. Они ж слышавше и совестию обличаеми, исхождаху един по единому, наченше от старец до последних. И оста един Иисус (л. 323) и жена посреде сущи. Восклоня же ся Иисус, ни одинаго же виде точию жену, рече ей: Где суть, иже важдуху на тя, ни кий же ли тебе осуди? Она же рече: Никто же, Господи. Рече же ей Иисус: Ни Аз тебе осуждаю. Иди и отселе к тому не согрешай.

Не судите<sup>391</sup>, да не судими будете, им же бо судом судите, осудитесь.

Не судите<sup>392</sup> и не осудитесь, не осуждайте и не осуждени будете.

Тем<sup>393</sup> же безответен еси, о человеце, всяк судяй, им же бо инаго судиши, себе осуждаеши, тая же де бо твориши судяй, (л. 323 об.) вемы, яко суд Божий есть на творящия таковая. Помышляеши же ли се, о человеце, судяй таковая, яко ты убежиши суда Божия.

(л. 324) Яко не подобает судити кого от безвестных.

Тем<sup>394</sup> же не прежде времени судите, дондеже приидет Господь, иже просветит тайная тмы и объявит советы сердечныя, и тогда похвала будет коемуждо от Бога.

(л. 324 об.) Яко<sup>395</sup> не подобает на лицеприятия судити, аще обрезание человек приимлет в субботу, да не разорится закон Моисеов. На Мя ли гневаетеся, яко сего человека здрава сотворих в субботу? Не судите на лица, но праведный суд судите.

(л. 325) Яко не подобает осуждати кого, прежде даже увестъ опасно яже о нем, аще и мнози суть оглаголюущии.

Глагола<sup>396</sup> Никодим, пришедший к Нему нощию един сый от них: еда закон наш судит человеку, аще не слышит прежде от него и разумет, что творит.

Яко<sup>397</sup> мнози дни сотворшу ему тамо, Фист сказа цареви яже о Павле, глаголя: муж некий есть оставлен от Филикса узник, о нем же бывшу ми во Иерусалиме яви архиерей и старцы иудейстии, просяще нань пря. К ним же отвещав, яко несть обычай римляном даяти кого человека, прежде даже оклеветанный, пред лицом видит (л. 325 об.) клеветники, место ж приимет о согрешении.

(л. 326) Яко достоин вовремя удалятися наветующих, попустивый бо впасти во искушение извод створити, иже волю Божию молитвою просити.

Отшедшим<sup>398</sup> же им се ангел Господень во сне явися, Иосифу глаголя: Востав, поими Отроча и мать Его, бежи во Египет и буди тамо, дондеже реку ти. Хочет бо Ирод искати Отрочате, да погубит Е. Он же востав, поят Отроча и мать Его нощию и отыде во Египет. Умершу же Ироду, се ангел Господень во сне явися Иосифу во Египте, глаголя: Востав, поими Отроча и мать Его, иди в землю Израилеву, изо(л. 326 об.)мроша бо ищущии душу Отрочате. Он же востав, поят Отроча и мать Его и прииде в землю Израилеву. Слышав же, яко Архелай царствует во Иудеи вместо Ирода, отца своего, убояся тамо ити. Вестъ же прием во сне, отыде в пределы Галилейския.

Слышав<sup>399</sup> же Иисус, яко Иоанн предан бысть, отыде в Галилею, оставль Назарет.

Блажени<sup>400</sup> есте, егда поносят вам и изжденут вы, и рекут всяк<sup>401</sup> зол глагол на вы, лжуще

Мене ради.

И по мале: Тако бо и гнаша пророки, иже бе прежде вас.

(л. 327) Ни же<sup>402</sup> не примет вас, ни же послушает словес ваших, исходяще из дому или из града того, отрясите прах ног ваших. И проч.

Исполнишася<sup>403</sup> вси ярости в сонмищи слышавшии сия и воставше, изгнаша Его вон из града, и ведоша Его до верху горы, на ней же град их создан бяше, да быша Его низринуты. Он же, прошед посреди их, идяше.

Егда<sup>404</sup> убо гонят вас во граде сем, бегайте во другой град. Фарисеи же, совет приемше, изыдоша, како да Его погубят. Иисус же, разуме, отлучися оттуду.

(л. 327 об.) От дне убо онаго совещахася убити Его, Иисус же не к тому дерзновением хождаше во Иудеях.

И преклонь колена моляшеся, глаголя: Отче, аще есть воля, да мимоидет чаша сия, обаче не Моя воля, но Твоя да будет.

Ведый<sup>405</sup> же Иисус изыде со ученики Своими на он пол потоца Кедронска, иде же бе вертоград, в он же вниде Сам и ученицы Его.

Напасть<sup>406</sup> вас не прият разве человеческа, верен же Бог, иже не оставит вас искуситися паче, еже можете, но сотворит со искушением изводство, еже мощи вам претерпети.

Савл<sup>407</sup> же оскорбляше церковь по домох входя, и плача мужа и жены, предаваше в темницу, (л. 328) они же убо разсеявшеся.

Уведан<sup>408</sup> же бысть Савлу совет их, стрезаху же врата день и ночь, яко да того убьют, поемше же ученицы нощию свесиша по стене в кошноцы<sup>409</sup>.

Бог<sup>410</sup> и Отец Господа нашего Иисуса Христа весть, сый благословен во веки, яко не лжу. В Дамасце языческий князь Арефы царя, стрезаше Дамаск град, яти мя хотя, и оконцем в кошницы свешен бых по стене, и избегах от руку его.

Во<sup>411</sup> оно же время возложи Ирод руже озлобити некия иже от церкви, уби же Иякова, брата Иоаннова мечем. И виде, яко (л. 328 об.) годе бысть иудеом, приложи яти и Петра. Беху же дние опресночни. Его же и ем, всади в темницу, предав чetyрем четверицам воином стрещи его.

И по мале: Помаам же им рукою молчати, сказа им, како Господь его изведе ис темницы. Рече же возвестити Иякову и братьям сия. И изшед, иде во ино место. Бывшу же дни, бе молва немала в воинех, что убо Петру бысть. Ирод же поискав его и не обрет, и истязя стражи, повеле отвести их. Изшед от Иудеи в Кесарию, живяше.

Видевше<sup>412</sup> же господие ея, яко (л. 329) изыде надежда делания их, поемше Павла и Силу, привлекоша на торг ко князем и ведше их к воеводам, реша: Сии человецы возмущают наш град, иудее суще, и завещавают обычая, яже не достоин нам приимати, ни творити римляном сущим. И снидеся народ на них и воеводы, растерзавше им ризы, веляху палицами их бити. Многи же, давше им раны, всадиша в темницу.

И по мале: И убо яшася слышавше, яко римлянина еста. И пришедше, умолиша их изведше моляху изыти из града. И изшедше ис темницы, приидоша к Лидии и ви(л. 329 об.) девше братию, утеша их и изыдоша.

Вам<sup>413</sup> бе нужда глаголати слово Божие, но понеже отрываете Его и недостойни, сами себе творите вечныя жизни, се обращаемся во языки, сице заповеда нам Господь.

И<sup>414</sup> воздвигоша гонение велие на Павла и Варнаву и изгнаша их от предел своих. Они же, оттрясше прах от ног своих на них, приидоша во Иконию. И<sup>415</sup> яко же снидоста от Македония. Сила же и Тимофей тужаше духом. Павел свидетелствуя иудеом Христа Иисуса, противящим же ся им и хулящим, отряс ризы своя, (л. 330) рече к ним: Кровь ваша на главах ваших. Чист аз отныне, иду во языки. И прочая.

Аще<sup>416</sup> кто инако<sup>417</sup> учит и не приходит ко здоровым словесем Господа нашего Иисуса Христа. И еже по благочестию и учению разгорде ничесоже сведый, но болезнь о взысканиих и словопрениих, от них же бывает зависть, рвение, хулы, мнения лукава прихождения

растленных человек умом и отчужденных от истинны, мнящих приобретение быти благочестие, отступай от таковых.

В<sup>418</sup> последния дни настанут времена люта, будут человецы (л. 330 об.) самолюбцы, сребролюбцы, величави, горди, хулници, родителем непокоривии, неблагоприятни, непреподобни, нелюбовни, свадливи, диаволи, невоздержливи, некротцы, неблагоприятиви, предатели, продержатели, горделиви, сластолюбцы паче неже боголюбцы, имуще образ благочестия, силы же его отметающесе, сих отвращайся.

Бес<sup>419</sup> правды епископ изгнан аще и в чуждем пределе пребывает, дондеже досаждение мимоидет.

### Толкование

От буети и горести возбраняюще святии отцы повелеша епископом в реченное время во инех епископиях пре(л. 331)бывати. Аще ж некий епископ исповедания ради чистыя нашея веры, или понеже бе поборник истине, рекше противяся властелем, не творящим истинны, и того ради от своего града изгнан быв и во другой град приидет, не возбранится ту пребывати ему, дондеже обрести возможет и пременение бывшаго на нем досаждения.

(л. 331 об.) Яко не подобает себе вмняти во искушения прежде време от Бога прощенаго, но молитися не внити во искушение.

Сице<sup>420</sup> убо молитесь вы: Отче наш, иже еси на небесех, да святится имя Твое.

И по мале: И не введи нас во искушение, но избави нас от лукаваго.

И<sup>421</sup> хождаше Иисус по сих в Галилеи, не бо хотяше во Июдеи ходити, яко искаху убити иудее. Бе же близ празник иудейский сеннопотчение. Реша же к Нему братия Его: Преиди отсюду и иди во Иудею, да и ученицы Твои видят дела, яже твориши. Никто же бо сокровенне творит (л. 332) что, и ищет сам дерзновенен быти. Аще сия твориши, яви себе миру, ни братии бо Его веровах в онь. Глагола им Иисус: Время Мое успе прииде, время ж ваше всегда готово, не может мир ненавидети вас, Меня ж ненавидит, яко Аз свидетелствую о нем, яко дела его зла суть. Вы въздете в празник сей, яко время Мое успе исполнися.

Сия ж рек им, оста в Галилеи. Егда же въздоша братия Его, тогда и Сам възде в празник не яве, но сокровенне.

Воставше<sup>422</sup>, молитесь, да не вни(л. 332 об.)дете в напасть.

(л. 333) Яко подобает христианину во искушениях от коегождо наводимых ему поминати, иже в Богодухновенном Писании к подлежащему реченное, сице неискушена себе блюсти и сопротивныя упражняти.

Тогда Иисус веден бысть в пустыню духом искуситися от диявола. И постився дний 40 и ноций 40, последи же взалка. И приступль к Нему искуситель, рече: Аще Сын еси Божий, рцы, да камение сии хлеби будут. Он же отвещав, рече: Писано есть, не о хлебе точию жив будет человек, но о всяком глаголе, исходящем (л. 333 об.) из уст Божиих. И проч.

(л. 334) Яко подобает христианину не боятися и подвизатися во обстоянии, ниже възвышатися о еже на Бога уповании, дерзати ж, яко Господу предстоящу и яже о нем устрояюще и Святому Духу учащу и, даж и до ответа еже к сопротивным.

Не убойтесе<sup>423</sup> от убивающих тело, души же не могущих убити. Убойте же ся паче могущаго душу и тело погубити в геенне. Не две ли птицы ассарию продаетсе<sup>424</sup> и ни едина от них падетсе на земли без Отца вашего. Вам же и власи главнии вси изочтени суть, не убойтесе, убо мнозех птиц лучши есте вы.

(л. 334 об.) Егда<sup>425</sup> же ведут вы на сонмища к началом и властем, не пецытесе, како или что отвещаете или что речете, Святыи бо Дух научит вы в той час, яже подобает рещи.

И<sup>426</sup> бысть буря ветрена велия, волны же вливахуся в корабль, яко погружатися ему. И Той бе в корме на возглавнице спя, и возбуждше Его, глаголаху Ему: Учителю, не брежеш ли, яко погибаем. И востав, запрети ветру, и рече морю: Умолкни, улязи. И улеже ветер, и бысть тишина велия. И рече им: Что тако страшливи есте, како не имате веру?

(л. 335) Востав<sup>427</sup> же священноначалник и иже с ним сущая ересь саддукейская, исполнишася зависти, и возложиша руце свои на апостолы, и послаша их в соблюдение общее. Ангел же Господень отверзе нощию двери темницы, извед же их, рече: Идити и ставше глаголите в церкви к людем вся глаголы жизни сея. Слышавше же, внидоша от утра в церковь и учашу. Не<sup>428</sup> хощем вас не ведети, братие, о скорби нашей, бывшей нам во Асии. И по мале: Яко от толики смерти избави нас, и избавит.

(л. 335 об.) Яко подобает радоватися всякому спострадующему даже до смерти имени ради Божия и заповеди Его.

Блажени<sup>429</sup> изгнани правды ради, яко тех есть Царство Небесное. Блажени есте, егда поносят вам и ижденут вы, и рекут всяк зол глагол на вы лжуще Мене ради. Радуйтеся и веселитесь, яко мзда ваша многа на небесех.

Блажени<sup>430</sup> есте, егда возненавидят вас человецы и разлучат вас, и поносят, и пронесут имя ваше яко зло Сына Человеческаго ради. Возрадуйтеся в той день и възиграйте, се бо мзда ваша многа на небесех.

И<sup>431</sup> призвавше апостолы бывше, (л. 336) запретиша им не глаголати о имени Иисусове, и отпустиша их. Они же радующеся, идяху от лица собора, яко сподобишася о имени Его безчестени быти. Весь же день во святых и по домех не престаху учаще и благовествующе Господа Иисуса.

Ему<sup>432</sup> же бых аз, Павел, служитель, ныне радуяся во страданиях моих о вас и исполняя лишение страданий Христовех в плоти моей о телеси Его, еже есть Церковь.

(л. 337) Яко не достоин оставляти о благочестии подвижающихся.

Отвеща<sup>433</sup> же им Иисус: Ныне ли веруете, се грядет час, и ныне прииде, да разыдется кийждо во своя, Мене же единого оставите. Веси<sup>434</sup> ли сие, яко отвратишася Мене вси иже от Асии, от них же есть Фигелл и Ермоген. Да даст же Господь милость Онисифорову дому, яко многажды мя упокои и вериг моих не постыдеся, но бывша мя в Риме, тощно възыскав обрете. Да даст ему Господь обрести милость от Господа в день он. И елика во Ефесе послужи, добрее ты веси.

(л. 337 об.) В<sup>435</sup> первом моем ответе никто же со мною прииде, но вси оставиша мя, да не вменится им.

(л. 338) Елика по общему возражаются и ответа примут прещение.

От<sup>436</sup> сердца бо исходят помышления лукавая, убийства, прелюбодейства, блудове, крадбы, лжесвидетелства, хулы. Сии суть сквернящая человека.

Отыдите<sup>437</sup> от Мене, проклятии во огнь вечный, уготованный дияволу и аггелом его. Взалках бо ся, и не дасте Ми ясти. Возжадахся<sup>438</sup>, и не напоисте Мя. Странен, и не введосте Мя. Наг, и не одеясте Мя. Болен и в темницы, и не посетисте Мене. Горе<sup>439</sup> вам, богатым, яко восприемлете утешение ваше. Горе вам, на(л. 338 об.)сыщенным, яко взалчете. Горе вам, смеющимся, яко восплачете и възрыдаете. Горе, егда рекут вам добре вси человецы. Внемлите<sup>440</sup> же себе, да некогда отягчают сердца ваша объядением и пьянством, и печалми житейскими, и внезапно найдет<sup>441</sup> на вы день он. И<sup>442</sup> яко же не искусиша Бога имети в разуме, предаст их Бог в неискусен ум творити неподобная, и исполнены всякия неправды, лукавства, и прочая.

Иже<sup>443</sup> бо не прелюбы<sup>444</sup> сотвориши, не убиеша, не украдеши, не похощеши, и аще кая ина заповедь.

(л. 339) Не<sup>445</sup> лститеся, ни блудницы, ни прелюбодее, ни малакия, ни мужеложницы, ни лихоимцы, ни пьяницы, ни досадители, ни хищницы Царствия Божия не наследят. Да<sup>446</sup> некако рвения, зависть, гнев, свары, оклеветания, гордыни, нестроения. Всяка<sup>447</sup> горесть и ярость, гнев и вопль, и хула да возмется от вас со всякою злобою. Блуд же и всяка нечистота, и лихоимство, ниже да именуется в вас, яко ж подобает святым, и сквернословия, и буюсловия, и блядословия, и яже неподобная.



Умертвите<sup>448</sup> убо уды ваша, (л. 339 об.) суцая на земли, блуд, нечистоту, страсть, похоть злую, и лихоимство, еже есть идолослужение. Их же ради грядет гнев Божий на сыны непокоривыя. Ныне же отвержите гнев, ярость, злобу, хулу, сквернословие от уст ваших, не лжите друг на друга.

Беззаконным<sup>449</sup> же и непокоряющимся, нечестивым и грешником, непреподобным и грешником, отцедосадителем и матередосадителем, мужеубийцам, блудником, мужеложником, лжем, клятвopреступником, и еже аще что ино, здоровому учению (л. 340) противится, по благовествованию славы блаженнаго Бога, Ему же вверен бых аз.

В<sup>450</sup> последняя дни отступят неции от веры, внимающим духовом лестчим и учением бесовским, в лицемерии лжесловеснем созженным своею совестью, возбраняющим жениться, удалятися брашен, их же Бог созда в восприятие со благодарением верным и познавшим истину.

Аще<sup>451</sup> ли кто инако учит и не приходит к здоровым словесем Господа нашего Иисуса Христа и еже по благочестию учения разгорде, ничесо же сведый, но болезнь (л. 340 об.) о взысканиих и словопрениих, от них же бывает зависть, рвение, хула, мнения лукава, сожителства растленных человек умом и отчюженных от истины, мнящих приобретение быти благочестие. Отступай от таковых.

В<sup>452</sup> последняя дни настанут времена люта, будут бо человецы самолюбцы, сребролюбцы, величави, горди, хулници, родителем непокориви, неблагоприятни, непреподобни, нелюбиви, свадливи, диаволи, невоздержливи, некротцы, неблагоприятиви, предатели, продерзатели, горделиви, сластолюбцы (л. 341) паче, неже боголюбцы, имуще образ благочестия, силы ж его отметающесе. И сих отвращайся.

Бехом<sup>453</sup> бо иногда и мы несмыслени, непокориви, заблужающе, работающе похотем и сластем различным, в злобе и зависти живуще, мерзцы, ненавидяще друг друга.

(л. 342) Елика по согласному судятся, и благословно обетование имут.

Блажени<sup>454</sup> нищии духом, яко тех есть Царство Небесное. Блажени плачущии, яко тии утешатся. Блажени кротцыи, яко тии наследят землю. Блажени алчущии и жаждущии правды, яко тии насытятся. Блажени милостивии, яко тии помиловани будут. Блажени чистии сердцем, яко тии Бога узрят. Блажени миротворцы, яко тии сынове Божии нарекутся. Блажени изгнани правды ради, яко тех есть Царство Небесное. Блажени есте, егда поносят вам (л. 342 об.) и изжденут, и рекут всяк зол глагол на вы лжуще Мене ради. Радуйтеся и веселитися, яко мзда ваша многа на небесех.

Приидите<sup>455</sup> благословеннии Отца Моего, наследуйте уготованное вам Царствие от сложения миру. Взалках бо ся, и дасте Ми ясти, возжадах, и напоисте Мене, странен, и введосте Мя, наг, и одеясте Мя, болен бех, и посетисте Мене, в темнице бех, и приидосте ко Мне.

Аще<sup>456</sup> же служай в служении, аще учай во учении, утешай во утешении и подай в простоте, предстояй со тщанием, милуяй с тихостию, любый (л. 343) нелицемерно, отметающесе злаго, прилепляюще же ся блазем, братолюбием к друг другу любезни, честию друг другу водящесе, тщанием неленностиви, духом горяще, Господиви работающе, упованием радуящесе, скорби терпяще, в молитве пождавающе, потребам святых причащающесе, страннолюбие гоняще, благословите гонящая вы, благословите, а не клените. Радоватися с радующимися и плакати с плачущими. Тожде друг другу мудрствующе, невысокая мудрствующе, но смиренными со отводящесе, не бывайте мудри (л. 343 об.) от себе. Ни единому же зло за зло воздающе, промышляюще добрая пред всеми человеки, аще мощно от вас, со всеми человеки мирующе. Не себе отмщающе, возлюблени, но дадите место гневу, писано бо есть: Мне отмщение, Аз воздам, глаголет Господь. Но аще алчет враг твой, ухлеби его, аще ли жаждет, напои его, не побеждайся от зла, но побеждай благим злое.

Ни<sup>457</sup> едино ни в чем же дающе претыкание, да непорочно будет служение, но во всем составляюще себе, яко Божия слуги, в терпении мнозе, в скорбех, в нуждах, в теснотах, (л. 344)

в ранах, в темницах, в нестроениих, в трудах, во бдениих, в пощениих, в чищениих, в разуме, в долготерпении, в благодати, в Дусе Святе, в любви нелицемерне, в словеси истинне, в силе Божии, оружии правды десными и шуими. Славою и безчестием, гаждением и благохвалением, яко лестцы и истинни, яко неведоми и познаваеми, яко умирающе и се живи есмы, яко показаемы, а не умерщвляеми, яко озлобляеми, присно же радующесе. Яко нищии, мнози же богатяще, яко ничесо же имуще, и содержаще вся.

(л. 344 об.) Прочее<sup>458</sup> ж, братие, радуйтесе, утвержайтесе, утешайтесе, такожде мудрствующе мирствуйте. Плод<sup>459</sup> же духовный есть любы, радость, мир, долготерпение, благодать, благодостыня, вера, кротость, воздержание. Молю<sup>460</sup> убо вы аз, юзник о Господе, достойно ходити званию, в неже звани бысте, всяцем смиренномудрием и кротостию, с долготерпением, носяще друг друга любовию, тщашесе блюсти единение духа, яко же и звани бысте всяцем смиренномудрием и кротостию с долготерпением, носяще друг друга любовию, тщашесе блюсти единение духа, яко же и звани бысте во едином уповании звания вашего. Бывайте<sup>461</sup> убо друг другу блази, благоутробни, (л. 345) подающе себе, яко же и Бог о Христе дарова нам. Бывайте убо подобни Богу яко чада возлюбленная, и ходите в любви, яко ж и Христос возлюбил нас и предаст Себе за ны прошение и жертву Богови в воню благоухания.

Аще<sup>462</sup> кое убо утешение о Христе, аще утешение любве, аще кое общение духа, аще кое милование и щедроты, исполните ми любовь, да тоже мудрствуете вси, ту же любовь имуще, единомушни, единомудренни, ничто ж по рвению или тщеславию. Прочее<sup>463</sup>: Братие, елика суть истина, елика честна, елика праведна, елика чиста, елика любезна, елика (л. 345 об.) похвална. Аще что добродетель, аще что похвала. Сия помышляйте, яже и научитесе и приятсе, и слышасте, и видесте, во мне сия творите.

Аще<sup>464</sup> совостасте со Христом, вышних ищите, идеже Христос есть, одесную Бога седяй. Вышняя мудрствуйте, а не земная. Умросте бо, и живот ваш сокровен есть со Христом в Бозе. Облечитесе<sup>465</sup> убо яко избраннии Божии, святии и возлюбленнии, во утробу щедрот, и благодать, и долготерпение. Накажуте<sup>466</sup> безумныя, утешайте малодушныя, укрепляйте немощныя, долготерпение же ко всем (л. 346) блюдите, да не кто кому зло за зло воздаст, но всегда благое гоните к друг другу и ко всем, всегда радуйтесе, непрестанно молитесе, во всем благодарите. Се бо есть воля Божия о Христе Иисусе в вас. Духа не угашайте, пророчества не унижайте. Вся же искушающе, доброе содержите, от всякаго вида зла удаляйтесе. Старцем<sup>467</sup> трезвеном быти, честном, целомудреном, здравствующем верою, любовию, долготерпением, старицам такожде, в строении священнолепии, ненавидницам, не вину многу порабощеным, доброучительным, да уцелому(л. 346 об.) дряют юныя, мужелюбикам быти, любочадцам, целомудренным, чистым, домодержицам блазем, повинующесе своим мужем, да не слово Божие хулится. Воспомяй<sup>468</sup> тем, началом и влаstem повиноватися и покарятися, на всякое дело благо готовом быти, ни единаго же хулити, несварливному быти, кроткому, всяку показующе кротость ко всем человеком.

Братолюбие<sup>469</sup> да пребывает, страннолюбие не забывайте, тем бо не разумеша нецыи, прияша ангелы. Поминайте юзники, яко с ними связани, озлобленныя, яко и сами суще в теле. (л. 347) Честен брак во всем, и ложе нескверно. Блудником же и прелюбодеом судит Бог. Не сребролюбцы нравом, доволни сущими.

(л. 348) Яко подобает врученным проповеди евангельстей с молением и молитвою приседети, аще диаконом, аще презвитером, неповинным и искушенным перваго жития.

Тогда<sup>470</sup> глагола учеником Своим: Жатва убо многа, делателей же мало, молитесе убо Господину жатвы, да изведет делателие на жатву Свою. И<sup>471</sup> егда бысть день, пригласи ученики Своя и избра от них дванадесят, их же и апостолы именована, Симона, его же нарече Петра, и Андреа, брата его, Иякова и Иоанна, Филиппа и Варфоломеа, Фома и Матфеа, Иякова Алфеова (л. 348 об.) и Симона, нарицаемаго Зилота, Иуду Ияковля и Иуду Искаротскаго, иже и бысть предатель.

По<sup>472</sup> сих же яви Господь и инех 70 и посла их по два пред лицом Своим во всяк град и место, аможе хотяше Сам ити. И проч.

Первое<sup>473</sup> убо слово сотворих о всех, о Феофиле, их же начат Иисус творити же и учити, до него ж дне заповеда апостолом Духом Святым, их же избра, вознесся. И<sup>474</sup> поставиша два, Иосифа, нарицаемаго Варсаву, иже наречен бысть Иуст, и Матфеа, и помолившеся, реша: Ты, Господи, сердцеведче всех, покажи, его же избра от сих (л. 349) обоих одинаго прияти причет служения сего и апостолства, от него же испаде Иуда, ити в место свое. И даша жребия има, и паде жребий на Матфеа, и причтен бысть ко единонадесятем апостолом. Аще<sup>475</sup> кто епископства хочет, добру делу желает. Подобаеет убо епископу непорочну быти, единой жене муж, трезвену, целомудру, красну, страннлюбцу, учителну, не пианицы, не бийцы, не сварливу, но кротку, не мшелоимцу, не сребролюбцу, своего дома добре правящу, чада имуща в покорении со всякою чистотою. Аще ли кто своего дому не весть (л. 349 об.) правити, како о Церкви Божии прилежит. Не новокрещену<sup>476</sup>, да не в поношение впадет и сеть диаволу. Диаконем такожде честном, недвоесловцем, не вину многу внимающим, не скверностяжателном, имущим таинство веры в чистой совести. И таковии да искушаются прежде, потом же да служат непорочни суще.

Сего<sup>477</sup> ради оставих тя в Крите, да ненаконченная исправиши и поставиши по градох попы, яко же ти аз завещах, аще кто есть без вины единой жене муж, чада имея верна, не во укорении блуда или непоко(л. 350)рива. Подобаеет бо епископу без порока быти, яко Божию строителю, не напрасну, не гневливу, не пианицы, не бийце, не скверностяжателну, но страннлюбцу, боголюбцу, целомудрену, праведну, преподобну, воздержану, пособствующу по вернем словеси, да силен будет и утешати в здоровом учении, и сопротивляющаяся обличати.

(л. 351) Яко не достоит у рукоположенных благоудобном<sup>478</sup> быти, ниже непокровенне на та приходити, не бо безбедно есть неискусное, водящаго же ся о нечесом явлевати, да ниже той причастится греху, ниже прочии отсечени будут, но паче боятися навыкнут.

Руки<sup>479</sup> скоро ни на кого же возлагай, ниже<sup>480</sup> причащайся гресех чюжих. На<sup>481</sup> попа хулы не приемли, разве аще не при двою или триех свидетелех согрешающая же пред всеми обличай, да и прочии страх приимут.

(л. 352) Яко не подобаеет избранному о себе приходити на проповедь, пождавати же время Христова благоволения и начинати убо проповедание, егда повелен будет проповедати же о Нем, к ним же послан бысть.

Сия<sup>482</sup> обанадесяте посла Иисус, заповедав им, глаголя: На путь язык не идите и во град Самарянский не внидите. Идите ж паче ко овцам погибшим дому Израилева. Аз от Бога изыдох и приидох, не бо от себе приидох, но Он Мя посла. Ови<sup>483</sup> убо разсеяни бывша от скорби, (л. 352 об.) бывшая при Стефане, приидоша до Финикии и Кипра и Антиохии, никому же глаголюще слово, разве едином иудеом. Павел<sup>484</sup>, раб Иисус Христов, зван апостол, отлучен во благовествование Христово. Како же услышат без проповедающаго, како же проповедят, аще не послани будут. Павел, апостол Иисус Христов, по повелению Бога и Спаса нашего.

(л. 353) Яко подобаеет званому в проповедь евангельскую абие послушати, а не отлагати.

Рече<sup>485</sup> же к другому: Прииди, последуй Ми. Он же рече: Господи, повели ми первие ити и погребсти отца моего. Рече же ему Иисус: Остави мертвых погребсти свою мертвеца, ты же шед, проповедай Царствие Божие.

Егда<sup>486</sup> же благоволи Бог, избравый мя от чрева матери моея и призвав благодатию своею открыти Сына Своего во мне, да благовествую Его во языцех, абие не приложихся плоти и крови, ни вздох в Иерусалим, кои же пред ним мене апостолом, но идох во Аравию (л. 354) и паки возвратихся в Дамаск.

(л. 354 об.) Яко не достоит инако учити.

Аминь<sup>487</sup>, аминь, глаголю вам, не входяй дверми во двор овчий, но прелазя инуде, он тать есть и разбоиник, а входяй дверми пастырь есть овцам. И по мале. Аз есмь Пастырь добрый.

Вси, елицы приидоша, татие бяху и разбойницы, но не послушаша их овцы.

Но<sup>488</sup> и аще мы вам или ангел с небесе благовестит паче, еже благовестихом вам, проклят да будет. Яко же преже рекох и ныне паки глаголю: Аще кто вам благовестит паче, еже приясте, проклят да будет.

Аще<sup>489</sup> кто инако учит и не при(л. 355)ходит к здоровым словесем Господа нашего Иисуса Христа, ниже по благочестии учению разгорде ничтож сведый. И прочее.

(л. 355 об.) Яко подобает вся предвчиненная от Бога в Евангелии и от апостол учити веровавшая и елика сим последующая.

Шедше<sup>490</sup>, научите вся языки, крещающе их во имя Отца и Сына и Святаго Духа и учаще их блюсти вся, елика заповедах вам.

(л. 356) Яко ввереным словесем Господня учителства, аще умолчит что от нуждных, еже к Божию благоугождению, повинен есть крови, еже в беду впадающих.

Горе<sup>491</sup> вам, законником, яко взясте ключ разумения, сами не входите и хотящим внити возбраняете. И якож<sup>492</sup> снидоша от Македония Сила и Тимофей, тужаше духом Павел, засвидетельствуя иудеом Христа Иисуса, противящим же ся им и хулящим, отряс ризы, рече к ним: Кровь ваша на главах ваших, чист аз, отныне во языки иду. Тем же свидетельствую вам в днешний день, яко чист есмь (л. 356 об.) от крове всех, не бо обинухся возвестити вам весь совет Божий.

(л. 357) Яко не достоин иным нужная возлагати, их же сам не исправи. И вам, законником, горе, яко связуете человеком бремена тяжка, неудобь носима, и сами едином перстом вашим не прикасаетесь бременем.

(л. 357 об.) Яко подобает предстоятелю Слова образ подлежати иным всякаго блага и исправлену прежде даже учити.

Приидите<sup>493</sup> ко Мне вси тружашеи и обременени, и аз упокою вы. Возмите иго Мое на ся и научитесь от Мене, яко кроток есмь и смирен сердцем.

Егда<sup>494</sup> убо умы ноги учеником, взях ризы и возлег паки, рече учеником: Весте ли, что сотворих вам? Вы глашатаете Мя, Учителя и Господа, и добре глаголете, есмь бо. Аще убо аз омых вам ноги, Господь и Учитель, и вы должни есте друг друга умывати нозе, образ бо дах вам, (л. 358) да яко же аз сотворих вам, и вы творите. Вся<sup>495</sup> показах вам, яко тако тружашеи подобает заступати немощныя. Подобни<sup>496</sup> ми бывайте, яко же и аз Христу. Никто<sup>497</sup> же от юности своя да не нерадит, но образ буди верным в слове, в житии, в любви, в вере, в чистоте.

(л. 359) Яко не подобает предстоятелю Слова своими исправленми уверити веровавшая.

Вы<sup>498</sup> есте соль земли. Аще же соль обуяет, чим осолится? Ни во что же потребна есть, разве да иссыпана будет вне и попираема от человек.

Все<sup>499</sup>, еже даст Ми Отец, ко Мне приидет и грядущаго ко Мне не изждену вон, яко снидох с небесе, не да творю волю Мою, но волю пославшаго Мя Отца. Се же есть воля пославшаго Мя, да всяк видяй Сына и веруяй в Он, имат живот вечный.

Кто<sup>500</sup> бо наше упование или радость или венец похвале, (л. 359 об.) аще не вы пред Господем нашим Иисусом Христом в пришествие Его, вы бо есте слава наша и радость.

(л. 360) Яко подобает предстоятелю Слова проходити грады и веси вся врученя ему.

И<sup>501</sup> прохождаше всю Галилею Иисус и уча на сонмищах, и проповедуя Евангелие Царствия, и исцеляя всяк недуг и всяку болезнь. И Сам хождаше во вся грады и веси, проповедавая Царствие Божие и благовествуя, и дванадесяте с Ним.

(л. 361) Яко подобает вся призывать к послушанию Евангелия и со всяцем дерзновением возвещати слово и свидетельствовати истину, аще и нецыи возбраняют и гонят якоvem где нравом даже и до смерти.

Еже<sup>502</sup>, глаголю вам, во тме, рцйте во свете, и еже во уши слышите, проповедите на кровлех и не убойтесь от убивающих тело, души же не могущих убити. Брак<sup>503</sup> убо уготован, звании же

не быша достойни, шедше убо на распутия, и еликих аще обрящете, призовите на брак. Отвеща<sup>504</sup> им Иисус: (л. 361 об.) Аз со дерзновением глаголах миру, Аз всегда учих на сонмищи и в церкви, идеже людие сходятся, и особе не глаголах ничтоже.

Введше<sup>505</sup> же их, поставиша на сонмищи, и вопроси их архиерей, глаголя: Не запрещением ли запретихом вам не учити о Имени сем? И се исполните Иерусалим учения вашего и хотите навести на ны кровь Человека сего. Отвещав же Петр и апостоли, реша: Повиноватися подобает Богу паче, нежели человеком. Обаче<sup>506</sup> Дух Святый во градех<sup>507</sup> свидетельствует ми, глаголя, яко узы мене и скорби ждут. Но ни едином же (л. 362) словом творю, ни имам душу мою честну себе, яко совершити течение мое с радостию и служение, еже приях от Господа Иисуса Христа, засвидетелствовати благовествование благодати Божия.

Сами<sup>508</sup> бо весте, братие, вход наш, иже к вам, яко не тощ бысть, но преже пострадавше с досаждением, яко же и сами весте, в Филиппех дерзнухом о Бозе нашем глаголати к вам Евангелие Бога нашего со многим подвигом.

(л. 363) Яко подобает приемших слово истинное утвержати посещением.

По<sup>509</sup> днеш же неких рече Павел к Варнаве: Возвращешся посети бе братию нашу по всех градех, в них же возвестихом слово Божие, како суть. Мы<sup>510</sup> бо, братие, осиревше от вас ко времени и часу лицом, а не сердцем, лишше же потщяхомся лица вашего видети многим желанием, зане восхотехом приити к вам, аз убо, Павел, и единою и дващи, но возбрани нам сатана. И по мале. Тем же уже не терпяще благоволихом остати (л. 363 об.) во Афинех едины и послахом Тимофея, брата нашего и служителя Божия во благовествовании Христове, утвердити вас и утешити о вере вашей, еже ни едино смущение имети в скорбех сих, сами бо весте, яко вси и с тое лежим.

(л. 364) Яко свойственно есть любящему Христа, еже во мнозей твердости любви о учимых со всяцем прилежати тщанием и всяцем образом, аще и даже до смерти пождавати учителством и во общине и особь.

Пастырь<sup>511</sup> добрый душу свою полагает о овцах. Егда<sup>512</sup> ж обедоваша, глагола Симону Петру Иисус: Симоне Ионин, любиши ли Мя паче сих? Глагола ему: Ей, Господи, Ты веси, яко люблю Тя. Глагола ему: Паси агнца Моя. Глагола ему паки второе: Симоне Ионин, любиши ли Мя? Глагола Ему: Ей, Господи, Ты веси, яко люблю Тя. (л. 364 об.) Глагола ему третицею: Симоне Ионин, любиши ли Мя? И рече Ему: Господи, Ты вся веси, Ты веси, яко люблю Тя. Глагола ему Иисус: Паси овцы Моя. Во<sup>513</sup> едину ж от суббот собранным учеником преломити хлеб. Глаголаше им Павел, хотя изыти наутрия, прострех же слово даже до полунощи. И по мале. Шед же и преломив хлеб и вкусив, беседовав даже и до зореи, изыде. Яко<sup>514</sup> ничто же обинухся от полезных, еже не сказати вам и научити вас пред людьми и по домех, (л. 365) засвидетелствую иудеом же и еллином, иже к Богу покаяние и веруя же в Господа нашего Иисуса Христа. Тем<sup>515</sup> же бодрствуйте, поминающе, яко три лета ночь и день не престах со слезами наказуя единого коегожде вас. Самимо<sup>516</sup> бо веста, братие, болезнь вашу и труд ночь и день делающе, за еже не отягчити никого же от вас, проповедахом слово Божие. И прочее.

(л. 366) Яко предстоятелю Слова милостиву и благоутробну быти подобает и паче же о озлобленных душах.

Видевше<sup>517</sup> же фарисеи, реша ко учеником Его: Почто с мытари и грешники яст Учитель ваш? Иисус же слышав, рече: Не требуют здравии врача, но болящии, шедше научитесь, что есть милости хошу, а не жертвы. Не приидох бо призвати праведных, но грешных на покаяние.

Видев<sup>518</sup> же народ милосердова о них, яко бяху смятени, аки овцы, не имуща Пастыря.

(л. 367) Яко подобает и в телесных потребах милосерду быти о веровавших и пеющихся ими.

Милосерду<sup>519</sup> о народе, яко уже три дни преседят Ми и не имут, что ясти, и отпустить их не ядша не хошу, да не како изнемогут на пути. И<sup>520</sup> пришед к Нему прокажен, моля Его и кланяся Ему, глаголя: Аще хочещи, можещи мя очистити. Иисус же милосердовав простер руку, косну и глагола ему: Хошу, очистися. Во<sup>521</sup> дни же тыя множащимся учеником бысть в

еллинех и ко иудеом, яко презираеми бяху в службе повседневней вдовицы их, (л. 367 об.) призваша же дванадесяте множество ученик, реша: Изберите, братие, мужи от вас свидетелствованы седмь, исполнены Духа Свята и премудрости, их же поставим над требованием сим.

(л. 368) Яко не подобает предстоятелю Слова и в малых сам действовати, любопочитаем должными, о лучшем же потщании остояти.

Призвавше же дванадесяте множество ученик, реша: Не угодно есть нам, оставшем слово Божие, служити трапезам, мы ж в молитве и служении Слова претерпим.

(л. 368 об.) Яко не подобает преходити останки словесныя учителством, в ласкании слышащих, во извет своих сластей или потреб, но таково быти, яко пред Богом, в славу Его глаголющим. Вся же дела своя творят, воеже видетися от человек, расширяют богохранилища своя и величаются вскрилием риз своих, любят же предвозлежание на вечерях и председания на сонмищах и еже зватися от человек равви. Вы же не нарицайтеся учителя, един бо есть Учитель ваш Христос, вси же вы братия есте. И не нарицайте себе отца на земли, един бо есть Отец ваш, иже на небесех, (л. 369) ниже нарицайтеся наставницы, един бо есть Наставник ваш Христос.

Мое<sup>522</sup> учение несть Мое, но пославшаго Мя, аще кто волю свою творит, познан будет от учения, аще от Бога есть или аз о себе глаголю, иже о себе глаголя и славу свою ищет. Ищай же славы Пославшаго его, сей истинен есть, и неправды в нем несть.

Несть<sup>523</sup> мы бо, яко же нецыи, корчемствующе слово Божие, но от чистоты, яко от Бога, пред Богом о Христе глаголем.

Утешение<sup>524</sup> бо наше не от прелести, ни нечистоты, ниже лестию, но яко ж искусихомся от Бога верни быти, прияти благовествование, сице (л. 369 об.) глаголем, не яко человеком угождающе, но Богу искушающему сердца наша. Не бо в слове ласкания, когда быхом, яко ж весте, ниже виною лихоимания, Бог свидетель, ни ищуще от человек славу, ни от вас, ниже от инех, могуще в тяготе быти, яко Христови апостоли.

(л. 370) Яко не подобает предстоятелю Слова в подлежащих безчестие приимати властию, но ниже возвышатися на тех, но паче вину еже к тем смиренумудрия степень имети.

Кто<sup>525</sup> убо есть верный раб и мудрый, его же поставит Господь над рабы Своими, еже даяти им пищу вовремя. Блажен раб, его же пришед Господь его обрящет тако творяща. Аминь, глаголю вам, яко над всем именем Своим поставит его. Аще ли же речет злый раб он в сердцы своем: Укоснит Господин мой приити; а начнет бити срабныя своя, ясти же и пити с пияницами. (л. 370 об.) Приидет Господин раба онаго в день, в онь же не чае, и в час, в онь же не весть, и протешет его и часть его с лицемеры положит, ту будет плач и скрежет зубом.

Вы<sup>526</sup> глашаете Мя Учителя и Господа и добре глаголете, есмь бо, аще убо Аз умых вам нозе, Господь и Учитель. И прочее.

Бысть<sup>527</sup> же и любопрение в них, кто от них более мнится. Иисус же рече им: Царие земстии обладают ими и началствующим благодателе нарицаются. Вы ж не тако, но болий вас, да будет всех последний и вождь, яко раб, кто болий возлежай или служай, (л. 371) не возлежай ли.

От<sup>528</sup> Милита ж посла во Ефес призвати попы церковныя, яко же приидоша к нему, рече к ним: Вы весте, яко от перваго дни, отнелиж приидох во Асию, како с вами все лето бых, работая Господеви со всяцем смиренумудрием и многими слезами и напастьми, прилучшимися от иудейских<sup>529</sup> навет.

В<sup>530</sup> сладость бо приемлете безумныя мудри суще, приемлете бо, аще кто вас порабощает, аще кто поядает, аще кто приемлет, аще кто величается, аще кто вы в лице биет. По досаждению глаголю, зане мы, яко изнемогохом в части сей.

(л. 372) Яко не подобает по зависти или рвению или любопрению, еже к неким, проповедати Евангелие.

Се<sup>531</sup> отрок Мой, его же возлюбих, и возлюбленный Мой, нань же благоволи душа Моя.

Положу дух Мой на нем и суд языком возвестит.

Нецыи<sup>532</sup> убо завистию и рвением, нецыи же и благоволением Христа проповедают. Ови убо от любви ведяще, яко во ответе Евангелия лежу, ови же рвением Христа проповедают нечисте, мняще печаль навести узам моим.

(л. 373) Яко не подобает человеческими лихоимании приимати в проповедь евангельскую, да не скрывается от них Божественная благодать.

Исповедаю Ти ся, Отче Господи небеси и земли, яко утаил еси сия от премудрых и разумных и открыл еси та младенцем.

Не<sup>533</sup> посла бо мене Христос крестити, но благовестити не в премудрости слова, да не упразднится Крест Христов. И аз убо пришед к вам, братие, не по преодержиму словеси или премудрости, возвещая вам тайну Божию, не бо судих ведети, что в вас точию Иисуса Христа, и сего распята, и аз в немощи и страхе и тре(л. 373 об.)пете мнозе бых к вам. И слово мое и проповедь моя не по препрению человеческия мудрости, но в явлении духа и силы, да вера ваша не в премудрости человечесестей, но в силе Божией.

(л. 374) Яко не подобает благоволение проповедания мнети своею силою содевати, но во всем на Бога уповати.

Упование же таково имамы Христом к Богу, не яко доволни есмы о себе помыслити, что яко от себе, но доволство наше от Бога, иже удоволи нас служителями быти Новому Завету.

(л. 375) Яко не подобает учиненному в проповедь евангельскую стяжавати множае, что от нуждных, яже о нем потреб.

Не<sup>534</sup> стяжите злата, ни сребра, ни меди при поясах ваших, ниже сапоги, ни жезла, достоин бо есть пищи<sup>535</sup> делатель мзды своя есть. Ничто же да возмете на путь, ни жезла, ни пиры, ни хлеба, ни сребра, ни по двоя ризу имети.

Никто<sup>536</sup> же, воин бывая, обязуется куплями житейскими, да воеводе угоден будет.

(л. 376) Яко не подобает влагаться бе в житейская попечения и пристрастием сих упражняться.

Рече<sup>537</sup> же некий к Нему от народа: Учителю, рцы брату моему, да разделит со мною наследие. Он же рече: Человеке, кто Мя постави судию или делителя над вами?

Никто<sup>538</sup> же воин бывая оплетается куплями житейскими. И прочее.

(л. 377) Яко иже ради угождения слышащих не брегущий дерзновение, еже о Божественных хотениох, о нем себе порабощают, им же угодити хотят, Господня владычества отпадают.

Како<sup>539</sup> можете вы веровати, славу друг от друга приемлюще и славу от единого Бога не ищущу.

Аще<sup>540</sup> и еще человеком угождал бых, Христов раб не бых был.

(л. 378) Яко подобает разум предлежати учащаго, всех убо в мужа совершена сочетати, в меру возраста исполнения Христова возводити коегождо во своем чину.

Будите<sup>541</sup> убо вы совершени, яко же Отец ваш небесный совершен есть.

Не<sup>542</sup> о сих молю токмо, но и о верующих словесем их в Мя, да вси едино будет, яко же Ты, Отче, во Мне, и Аз в Тебе, да и ти в Нас едино будут.

Пастыря<sup>543</sup> и учителя в сочетание святым в дело служения, в созидание тела Христова, дондеже достигнем вси в единение веры (л. 378 об.) и в познание Сына Божия, в мужа совершена, в меру возраста исполнения Христова.

(л. 379) Яко подобает в незлобии и в кротости наказовати сопротивляющаяся, надеяти же ся тех покаяния, дондеже аще исполнит меру, еже в них прилежания.

Не<sup>544</sup> преречет, ни возопиет, ниже услышит кто на разпутних гласа Его, трости сокрушены не преломит и ленна внемшася не угасит, дондеже изведет на победу суд.

Рабу<sup>545</sup> Господню не подобает сваритися, но тиху быти ко всем, учителну, незлобиву, в кротости наказующу сопротивныя, еда како даст им покаяние в познание истины, возникнуть (л. 379 об.) от диавольския сети.

(л. 380) Яко подобает, иже страха ради и благоговейства отрицающемуся пришествия, проповедающего слово покаряться и нелюбопрепирателне належати.

И молиша Его все множество страны Гадаринския отыти от них, яко страхом велицем содержими бяху. Той же, сед в корабль, возвратися.

(л. 380 об.) Яко подобает, иже в разуме не приемлющаго проповедь евангелскую, удалятися, и ниже яже к нуждным телесе потребам от него благодеяния восприимати.

Ниже<sup>546</sup> аще не приемлет вас, ниже услышит словес ваших, исходяще от дому онаго или града, отрясите и прах от ног ваших.

В<sup>547</sup> онь же град аще внидете, и не приемлют вас, исходяще на распутия его, рцйте: И прах, прилепший от града вашего, отрясаем вам, обаче се ведите, яко приближися на вы Царствие Божие.

Яко<sup>548</sup> же снидоша (л. 381) от Македония Сила же и Тимофей, тужаше духом Павел, свидетелствуя иудеом Христа Иисуса. Сопротивящим же ся им и хулящим, отряс ризы своя, рече к ним: Кровь ваша на главах ваших, чист аз, отныне во языки иду.

(л. 381 об.) Яко подобает по еже исполнити в них всяк образ прилежания, не повинующих же ся, далече удалятися от них.

Иерусалим<sup>549</sup>, Иерусалим, избивый пророки и камением побивая посланья к тебе, колижды восхотех собрати чада твоя, им же образом собирает кокошь птенцы своя под криле, и не восхотесте, се оставляется вам дом ваш пуст.

Вам<sup>550</sup> бе нужда глаголати слово Божие, но понеже отрываете его и не достойни сами себе творите вечныя жизни, се обращаемся во языки. Сице бо заповеда нам Господь: Положих тя во свет (л. 382) языком, еже быти во спасение даже до последних земли.

(л. 382 об.) Яко ко всем во всякой вещи хранити подобает опаство Господних глагол и ничто же творити по умолению.

Засвидетелствую пред Богом и избранными ангелы, да сия сохраниши без всякия вины, ничтоже творя по умолению.

(л. 383) Яко подобает предстоятелю Слова с промышлением и искусом мнозем смотреть по еже к Богу благоугождению коегождо творити же и глаголати, яко должна суца, и от самых ввереных ему искушати и свидетелствоватися.

Вы<sup>551</sup> весте, яко от перваго дне, отнелиже приидох во Асию, како с вами все время бых, работая Господи со всяцем смиренномудрием и многими слезами и искушеньми.

И по мале. Сребру или злату, или одеянию никакo ж вожделех. Сами бо весте, яко требованию моему и сущим со мною послужисте (л. 383 об.) руце сей. Вы<sup>552</sup> свидетелие и Бог, яко преподобно и праведно и непорочно вам верующим бых, яко же весте.

(л. 384) Елика совокупно рекошася о епископех и презвитерех.

Аще<sup>553</sup> кто епископства желает, добру делу желает, но подобает епископу непорочно быти. И прочая. Старцу<sup>554</sup> не твори пакости, но утешай, яко отца, юнейшая, яко братию, старицы, яко матери, юных, яко сестры со всякою чистотою. Юных<sup>555</sup> же помышлении бегай, гони же правду, веру, любовь, мир с призывающими Господа от чиста сердца. Буих же и ненаказанных стязаний отрицайся, ведый, яко рождают свары, рабу ж Господню не подобает сваритися, но тиху быти во всем. И проч.

(л. 384 об.) Ты<sup>556</sup> же последовал ми еси вере, учению, образу, тщанию, терпению, гонением, страданием. Сего<sup>557</sup> ради оставих тя в Крите, да неканончанная исполниши и поставиши по градох презвитеры, яко же ти аз заповедах. И прочая.

#### **О диаконох**

И<sup>558</sup> избираша Стефана, мужа исполнь веры и Духа Свята, и Филиппа, и Прохора, и Никанора и прочих, их же поставиша пред апостолы и помолишася, возложиша руце. Диаконом<sup>559</sup> також честном, не двоесловцем, ни вину многу внимающем, (л. 385) не мшелоприбытком. И прочее.

(л. 385 об.) Яко подобает слышателем слова наученым писанием искушати, яже от учителей



глаголемая и убо соглашающая писаниом приимати: чюждая же отревати и в таковых пребывающаго учениих отвращатися зелнейше.

Горе<sup>560</sup> человеку оному, им же соблазн приходит. И аще око твое соблажняет тя, изми его, подобно и о руце, и о нозе.

Аминь<sup>561</sup>, аминь, глаголю вам, не входяй дверми во двор овчий, но влазя инуде, он тать есть и разбойник.

И по мале. Чюжему ж не последуют, но бежат от него, яко не ведят чюждаго гласа. Но<sup>562</sup> и аще мы (л. 386) или ангел с небесе блавестит вам паче, еже приясте, проклят да будет. Пророчества<sup>563</sup> не уничайте. Вся искушающе, доброе содержите. От всякаго вида зла удаляйтеся.

(л. 386 об.) Яко подобает много имущих пророческий разум в духовных плодех познавати воображение святых и таковыя убо приимати, инако же имущих отвращатися.

Внемлите же от лживых пророк, иже приходят к вам во одеждах овчих, внутрь же суть волцы хищницы, от плод их познаете их. Подобни мне бывайте, братие, и блюдитесь, иже не тако ходящих, яко же имате образ нас.

(л. 387) Яко подобает правящих слово истинное сице восприимати, яко Богу тех в славу свою пославшу Иисусу Христу Богу нашему.

Приемляй<sup>564</sup> вас, Мене приемлет, слушаый вас, Мене слушает, но яко ангела Божия приясте Мя, яко Христа Иисуса.

(л. 388) Яко иже не покарются иже от Господа посланным, но досаждают, не даже до сего стают, но возводят на пославшаго их и суд себе горшии паче содомлян и гоморян содевают.

Иже<sup>565</sup> аще не приемлет вас, ниже послушает словес ваших, исходяще из дому или из града того, отрясите прах от ног ваших. Аминь, глаголю вам, отраднее будет земли Содомстей и Гоморстей в день судный, неже граду тому. Отметайся<sup>566</sup> вас Мене ся отмечает. Отметай<sup>567</sup> бо ся не человека отмещется, но Бога, давшего Дух Свой (л. 388 об.) Святый в нас.

(л. 389) Яко подобает учителство заповедей Господних сице приимати, яко живот вечный и Царствие Небесное, и усердно делати тья, аще и болезнь быти мнится.

Аминь<sup>568</sup>, аминь, глаголю вам, яко слушаый словесе Моего и веруый пославшему Мя имать живот вечный и на суд не приидет, но преидет от смерти в живот.

Блавестивше<sup>569</sup> же градом онем и научивше доволне, возвратишася в Листру и Иконию и Антиохию, утвержающе души учеником, утешивше пребывати в вере, яко многими скорбми подобает (л. 389 об.) нам внити в Царствие Небесное.

(л. 390) Яко подобает обличение и запрещение сице приимати, яко лечбу очистителну страстем и здравие содевающу. Отонюду же яве есть, яко иже страстию человекоугодия доволне одержимыи и не обличающе согрешающих, всячески отщетеваются и в самую истинную жизнь наветуют.

Аще<sup>570</sup> согрешит в тя брат твой, шед, обличи его пред тобою и тем едином. И аще тебе послушает, приобрел еси брата твоего.

Сшедшемся<sup>571</sup> вам и моему духу с силою Господа нашего Иисуса Христа, (л. 390 об.) предадите такового сатане во измождение плоти, да дух спасетя в день Господа Иисуса.

Послание<sup>572</sup> оно, аще и на время оскорби вас, ныне радуюся, не яко оскорбистеся, но яко оскорбесте в покаяние, оскорбисте бо ся по Бозе, да ни в чем же отщтитесь нас, яже бо по Бозе скорбь покаяние во спасение нераскайно содевает.

(л. 391) Яко идеже Церковь под мирскую власть снидет, несть Церковь, но дом человеческий и вертеп разбойником.

И<sup>573</sup> вниде в церковь Божию, и изгна вся продающыя и купующыя в церкви, и трапезы торжником испроверже и седалища продающих голуби, и глагола им: Писано есть: храм Мой, храм молитвы наречется; вы же сотвористе и вертеп разбойником.

И<sup>574</sup> приидоша паки во Иерусалим, и вшедше Иисус в церковь, начат изгонити продающыя и

купующая в церкви и трапезы торжником и седалища продающих голуби испроверже, и не даяше, (л. 392 а) да кто мимо несет сосуд сквозе церковь. И учаще, глаголя им: Несть ли писано, яко храм Мой храм молитвы наречется всем языком; вы же сотвористе его вертеп разбойником.

И<sup>575</sup> вшед в церковь и начат изгонити продающия в ней и купующия, глаголя им: Писано есть дом Мой дом молитвы есть; вы же сотвористе его пещеру разбойником.

И<sup>576</sup> възиде во Иерусалим Иисус, и обрете во церкви продающия овцы и волы, и голуби и пеняжники сядящия, и сотворив бич от вервий, и вся изгна из церкви, овцы и волы и торжником разсыпа (л. 392а об.) пенязи, и дски опроверже и продающим голуби рече: Возмите сия отсюду и не творите дому Отца Моего дому купленнаго. Помянуша<sup>577</sup> же ученицы Его, яко писано есть: Жалость дому Твоего снесть Мя.

Веждь, яко не единою се сотвори от Матфея убо близ страсти се сотворит, ныне же от Иоанна знамения начиная.

Иерусалиме<sup>578</sup>, Иерусалиме, избивый пророки и камением побивая посланнныя к тебе, колькраты восхоте собрати чада твоя, яко ж кокошь гнездо свое под криле, и не возхотесте. Се оставляется вам дом ваш пуст. Глаголю же вам, (л. 393) яко не имате Мене видети, дондеже приидет, егда речете: Благословен грядый во имя Господне.

#### **Толкование**

Ничто ж бо ино<sup>579</sup> тако разделяет от Бога, яко ж грех, яко ж паки и благая совесть и дела сочетают, любопрятие ж показа Господь, кокошино приказание предложи. Тем же убо понеже не хоцещи, рече, оставляется храм пуст. От сего убо разумеем, яко нас ради живет во храмах Бог. Егда ли мы отчаемся, тогда и храмы оставляются. Глаголет же, яко: не имате Мене видети до втораго пришествия.

#### **Толкование**

Толма<sup>580</sup> возненавидех лукавство ваше, яко ни Церкви, дому Моему, (л. 393 об.) глаголю быти, но дом ваш, донели ж бо живяше в нем добродетель, дом Мой бе. А понеже осквернисте, и торг и пещеру разбоинником соделасте.

<sup>323</sup> РГАДА. Ф. 27. Приказ Тайных дел. Оп. 1. Д. 140. Ч. 1. См. также редакцию и комментарий рукописного источника: *Осипенко М.В.* Наставления христианину Святейшего Патриарха Никона // Социальные конфликты в России XVII-XVIII веков. Саранск, 2004; *Севастьянова С.К.* «Наставления царю» Патриарха Никона // Материалы к «Летописи жизни и литературной деятельности Патриарха Никона». СПб., 2003.

<sup>324</sup> На правом поле листа киноварная помета: Матф. 8.

<sup>325</sup> На левом поле листа киноварная помета: Матф. 42.

<sup>326</sup> На левом поле листа киноварная помета: Лук. 70.

<sup>327</sup> На правом поле листа киноварная помета: Кор. 144.

<sup>328</sup> На правом поле листа киноварная помета: Рим. 81.

<sup>329</sup> На правом поле листа киноварная помета: Солун. 275.

<sup>330</sup> На правом поле листа киноварная помета: Матф. 68.

<sup>331</sup> На левом поле листа киноварная помета: Иоан. 44.

<sup>332</sup> Далее затерто.

<sup>333</sup> На левом поле листа киноварная помета: Матф. 117.

<sup>334</sup> На левом поле листа киноварная помета: Лук. 2.

<sup>335</sup> На левом поле листа киноварная помета: Лук. 51.

<sup>336</sup> В нижнем левом углу чернильная (?) помета: Собор. Лаодик. прав. 16.

<sup>337</sup> На левом поле листа киноварная помета: Иоан. 48.

<sup>338</sup> На левом поле листа киноварная помета: Иоан. 51.

<sup>339</sup> На левом поле листа киноварная помета: Иоан. 50.

<sup>340</sup> На правом поле листа киноварная помета: Иоан. 31.

- 341 На правом поле листа киноварная помета: Иоан. 43.
- 342 На правом поле листа киноварная помета: Рим. 49.
- 343 На правом поле листа киноварная помета: Иоан. 56.
- 344 На правом поле листа киноварная помета: Матф. 11.
- 345 На правом поле листа киноварная помета: Фил. 236.
- 346 На правом поле листа киноварная помета: Матф. 23.
- 347 На левом поле листа киноварная помета: Лук. 28.
- 348 На правом поле листа киноварная помета: Тит. 301.
- 349 В ркп. отсутствует киноварный (?) инициал. На правом поле листа киноварная помета: Яков. 53. Этот и следующий абзацы написаны другим почерком и расплывающимися (?) чернилами.
- 350 Далее зачеркнуто: И прочее.
- 351 На правом поле листа киноварная помета: Иоан. 8.
- 352 На правом поле листа киноварная помета: Лук. 81.
- 353 В ркп.: ая. Отсутствует киноварный (?) инициал. На правом поле листа киноварная помета: Ияков, пос. 53. Абзац написан вторым почерком (см. прим. л. 309).
- 354 На правом поле листа киноварная помета: Матф. 61.
- 355 На правом поле листа киноварная помета: Матф. 51.
- 356 На левом поле листа киноварная помета: Марк. 29.
- 357 На левом поле листа киноварная помета: Ефес. 229.
- 358 На левом поле листа киноварная помета: Лук. 68.
- 359 На правом поле листа киноварная помета: Иоан. 11.
- 360 На правом поле листа киноварная помета: Рим. 93.
- 361 На правом поле листа киноварная помета: Иоан. 33.
- 362 На правом поле листа киноварная помета: Иоан. 43.
- 363 На правом поле листа киноварная помета: Рим. 93.
- 364 На правом поле листа киноварная помета: Матф. 37.
- 365 На правом поле листа киноварная помета: Лук. 68.
- 366 На правом поле листа киноварная помета: Иоан. 14.
- 367 На левом поле листа киноварная помета: Деян. 33.
- 368 На правом поле листа киноварная помета: Иоан. 31.
- 369 На правом поле листа киноварная помета: Иоан. 32.
- 370 На правом поле листа киноварная помета: Иоан. 32.
- 371 На правом поле листа киноварная помета: Лук. 36.
- 372 На правом поле листа киноварная помета: Лук. 58.
- 373 На правом поле листа киноварная помета: То ж.
- 374 На правом поле листа киноварная помета: Иоан. 51.
- 375 На левом поле листа киноварная помета: Рим. 97.
- 376 На правом поле листа киноварная помета: Матф. 14.
- 377 На правом поле листа киноварная помета: Ефес. 227.
- 378 На правом поле листа киноварная помета: Кол. 257.
- 379 На левом поле листа киноварная помета: Матф. 7.
- 380 Далее затерто: шее.
- 381 На левом поле листа киноварная помета: Марк. 28.
- 382 На правом поле листа киноварная помета: Деян. 3.
- 383 На правом поле листа киноварная помета: Матф. 23.
- 384 На правом поле листа киноварная помета: Иоан. 46.
- 385 На правом поле листа киноварная помета: Кор. 150.
- 386 На правом поле листа киноварная помета: Матф. 98.
- 387 На правом поле листа киноварная помета: Лук. 103

- 388 На правом поле листа киноварная помета (?): 193.
- 389 На правом поле листа киноварная помета: Матф. 20.
- 390 На правом поле листа киноварная помета: Иоан. 28.
- 391 На правом поле листа киноварная помета: Матф. 20.
- 392 На правом поле листа киноварная помета: Лук. 27.
- 393 На правом поле листа киноварная помета: Рим. 81.
- 394 На правом поле листа киноварная помета: Кор. 130.
- 395 На левом поле листа киноварная помета: Иоан. 26.
- 396 На правом поле листа киноварная помета: Иоан. 27.
- 397 На правом поле листа киноварная помета: Деян. 48.
- 398 На правом поле листа киноварная помета: Матф. 9.
- 399 На левом поле листа киноварная помета: Матф. 8.
- 400 На левом поле листа киноварная помета: Матф. 10.
- 401 В ркп. «всяк» исправлено из «взяк».
- 402 На правом поле листа киноварная помета: Матф. 35.
- 403 На правом поле листа киноварная помета: Лук. 14.
- 404 На правом поле листа киноварная помета: Матф. 37.
- 405 На левом поле помета: Иоан. 8. «Ведьй идеже» вписано вторым (?) почерком между строк, окончание абзаца дано со знаком вставки на нижнем поле.
- 406 На левом поле листа киноварная помета: 1 Кор. 145.
- 407 На левом поле листа киноварная помета: Деян. 17.
- 408 На правом поле листа киноварная помета: Деян. 22.
- 409 Так в ркп.
- 410 На правом поле листа киноварная помета: 1 Кор. 194.
- 411 На правом поле листа киноварная помета: Деян. 29.
- 412 На левом поле листа киноварная помета: Деян. 38.
- 413 На левом поле листа киноварная помета: Деян. 33.
- 414 На левом поле листа киноварная помета: Деян. 33.
- 415 На левом поле листа киноварная помета: Деян. 18.
- 416 На правом поле листа киноварная помета: Тим. 287.
- 417 Вписано над строкой: ко.
- 418 На правом поле листа киноварная помета: Тим. 295.
- 419 В ркп. «ес». Отсутствует киноварный инициал. На левом поле листа киноварная помета: Прав. в средце собора 19. Этот и следующий абзацы написаны вторым почерком.
- 420 На левом поле листа киноварная помета: Матф. 17.
- 421 На левом поле листа киноварная помета: Иоан. 25.
- 422 На правом поле листа киноварная помета: Лук. 109.
- 423 На правом поле листа киноварная помета: Матф. 37.
- 424 В ркп. «продаетася» исправлено из «продаетеса».
- 425 На левом поле листа киноварная помета: Лук. 64.
- 426 На левом поле листа киноварная помета: Марк. 18.
- 427 На правом поле листа киноварная помета: Деян. 14.
- 428 На правом поле листа киноварная помета: 2 Кор. 168.
- 429 На левом поле листа киноварная помета: Матф. 10.
- 430 На левом поле листа киноварная помета: Лук. 24.
- 431 На левом поле листа киноварная помета: Деян. 15.
- 432 На левом поле листа киноварная помета: Кор. 251.
- 433 На правом поле листа киноварная помета: Иоан. 55.
- 434 На правом поле листа киноварная помета: 2 Тим. 291.

- 435 На левом поле листа киноварная помета: 2 Тим. 299.
- 436 На правом поле листа киноварная помета: Матф. 61.
- 437 На правом поле листа киноварная помета: Матф. 106.
- 438 Дописано над строкой: ся.
- 439 На правом поле листа киноварная помета: Лук. 25.
- 440 На левом поле листа киноварная помета: Лук. 107.
- 441 Вписано над строкой.
- 442 На левом поле листа киноварная помета: Рим. 81.
- 443 На левом поле листа киноварная помета: Рим. 111.
- 444 Вписано со знаком вставки на нижнем поле: не прелюбы.
- 445 На правом поле листа киноварная помета: 1 Кор. 134.
- 446 На правом поле листа киноварная помета: 2 Кор. 196.
- 447 На правом поле листа киноварная помета: Ефес. 227.
- 448 На правом поле листа киноварная помета: Кол. 257.
- 449 На левом поле листа киноварная помета: Тим. 279.
- 450 На правом поле листа киноварная помета: Тим. 283.
- 451 На правом поле листа киноварная помета: Тим. 287.
- 452 На левом поле листа киноварная помета: 2 Тим. 295.
- 453 На правом поле листа киноварная помета: Тит. 302.
- 454 На правом поле листа киноварная помета: Матф. 10.
- 455 На левом поле листа киноварная помета: Матф. 106.
- 456 На левом поле листа киноварная помета: Рим. 110.
- 457 На левом поле листа киноварная помета: 2 Кор. 181.
- 458 На левом поле листа киноварная помета: 2 Кор. 197.
- 459 На левом поле листа киноварная помета: Гал. 213.
- 460 На левом поле листа киноварная помета: Ефес. 224.
- 461 На левом поле листа киноварная помета: Ефес. 227.
- 462 На правом поле листа киноварная помета: Фил. 239.
- 463 На правом поле листа киноварная помета: Фил. 247.
- 464 На левом поле листа киноварная помета: Кор. 256.
- 465 На левом поле листа киноварная помета: Кор. 288.
- 466 На левом поле листа киноварная помета: 1 Сол. 273.
- 467 На правом поле листа киноварная помета: Тит. 301.
- 468 На левом поле листа киноварная помета: Тит. 202.
- 469 На левом поле листа киноварная помета: Евр. 333.
- 470 На правом поле листа киноварная помета: Матф. 34.
- 471 На правом поле листа киноварная помета: Лук. 23.
- 472 На левом поле листа киноварная помета: Лук. 50.
- 473 На левом поле листа киноварная помета: Деян. 1.
- 474 На левом поле листа киноварная помета: Деян. 2.
- 475 На правом поле листа киноварная помета: Тим. 283.
- 476 В ркп.: нокрещену.
- 477 На левом поле листа киноварная помета: Тит. 300.
- 478 В ркп.: благоугодном. «Доб» написано со знаком вставки на правом поле листа.
- 479 На правом поле листа киноварная помета: Тим. 287.
- 480 Слова «ниже» в ркп. повторены дважды.
- 481 На правом поле листа киноварная помета: 1 Тим. 286.
- 482 На правом поле листа киноварная помета: Матф. 34.
- 483 На правом поле листа киноварная помета: Деян. 28.

- 484 На левом поле листа киноварная помета: Рим. 79.
- 485 На левом поле листа киноварная помета: Лук. 49.
- 486 На левом поле листа киноварная помета: Гал. 200.
- 487 На левом поле листа киноварная помета: Иоан. 36.
- 488 На левом поле листа киноварная помета: Гал. 199.
- 489 На левом поле листа киноварная помета: Тим. 287.
- 490 На левом поле листа киноварная помета: Матф. 116.
- 491 На правом поле листа киноварная помета: Лук. 61.
- 492 В ркп.: кож. Пропущена буква «я».
- 493 На левом поле листа киноварная помета: Матф. 43.
- 494 На левом поле листа киноварная помета: Иоан. 45.
- 495 На правом поле листа киноварная помета: Деян. 44.
- 496 На правом поле листа киноварная помета: 1 Кор. 147.
- 497 На правом поле листа киноварная помета: 1 Тим. 285.
- 498 На правом поле листа киноварная помета: Матф. 11.
- 499 На правом поле листа киноварная помета: Иоан. 21.
- 500 На правом поле листа киноварная помета: 1 Сол. 266.
- 501 На правом поле листа киноварная помета: Матф. 9.
- 502 На правом поле листа киноварная помета: Матф. 37.
- 503 На правом поле листа киноварная помета: Лук. 76.
- 504 На правом поле листа киноварная помета: Иоан. 58.
- 505 На левом поле листа киноварная помета: Деян. 15.
- 506 На левом поле листа киноварная помета: Деян. 44.
- 507 Так в ркп.
- 508 На правом поле листа киноварная помета: Сол. 264.
- 509 На правом поле листа киноварная помета: Деян. 37.
- 510 На правом поле листа киноварная помета: 1 Сол. 266.
- 511 На правом поле листа киноварная помета: Иоан. 36.
- 512 На правом поле листа киноварная помета: Иоан. 67.
- 513 На левом поле листа киноварная помета: Деян. 43.
- 514 На левом поле листа киноварная помета: Деян. 44.
- 515 На правом поле листа киноварная помета: Деян. 44.
- 516 На правом поле листа киноварная помета: 1 Сол. 264.
- 517 На правом поле листа киноварная помета: Матф. 30.
- 518 На правом поле листа киноварная помета: Матф. 34.
- 519 На правом поле листа киноварная помета: Матф. 64.
- 520 На правом поле листа киноварная помета: Матф. 6.
- 521 На правом поле листа киноварная помета: Деян. 16.
- 522 На правом поле листа киноварная помета: Иоан. 26.
- 523 На правом поле листа киноварная помета: Кор. 172.
- 524 На правом поле листа киноварная помета: 1 Сол. 264.
- 525 На правом поле листа киноварная помета: Матф. 103.
- 526 На левом поле листа киноварная помета: Иоан. 45.
- 527 На левом поле листа киноварная помета: Лук. 108.
- 528 На правом поле листа киноварная помета: Деян. 44.
- 529 В ркп.: идейских.
- 530 На правом поле листа киноварная помета: Кор. 192.
- 531 На правом поле листа киноварная помета: Матф. 46.
- 532 На правом поле листа киноварная помета: Фил. 237.

- 533 На правом поле листа киноварная помета: 1 Кор. 124.
- 534 На правом поле листа киноварная помета: Матф. 35.
- 535 Написано со знаком вставки на правом поле листа.
- 536 На правом поле листа киноварная помета: Тим. 292.
- 537 На правом поле листа киноварная помета: Лук. 65.
- 538 На правом поле листа киноварная помета: Тим. 292.
- 539 На правом поле листа киноварная помета: Иоан. 17.
- 540 На правом поле листа киноварная помета: Гал. 199.
- 541 На правом поле листа киноварная помета: Матф. 15.
- 542 На правом поле листа киноварная помета: Иоан. 57.
- 543 На правом поле листа киноварная помета: Ефес. 224.
- 544 На правом поле листа киноварная помета: Матф. 46.
- 545 На правом поле листа киноварная помета: Тим. 294.
- 546 На левом поле листа киноварная помета: Матф. 35.
- 547 На левом поле листа киноварная помета: Лук. 50.
- 548 На левом поле листа киноварная помета: Деян. 40.
- 549 На левом поле листа киноварная помета: Матф. 96.
- 550 На левом поле листа киноварная помета: Деян. 33.
- 551 На правом поле листа киноварная помета: Деян. 44.
- 552 На левом поле листа киноварная помета: Сол. 265.
- 553 На правом поле листа киноварная помета: Тим. 283.
- 554 На правом поле листа киноварная помета: Тим. 285.
- 555 На правом поле листа киноварная помета: Тим. 294.
- 556 На левом поле листа киноварная помета: Тим. 296.
- 557 На левом поле листа киноварная помета: Тим. 300.
- 558 На левом поле листа киноварная помета: Деян. 16.
- 559 На левом поле листа киноварная помета: Тим. 283.
- 560 На левом поле листа киноварная помета: Матф. 74.
- 561 На левом поле листа киноварная помета: Иоан. 35.
- 562 На левом поле листа киноварная помета: Гал. 199.
- 563 На правом поле листа киноварная помета: Сол. 273.
- 564 На правом поле листа киноварная помета: Иоан. 45; Лук. 51; Гал. 210.
- 565 На правом поле листа киноварная помета: Матф. 35.
- 566 На правом поле листа киноварная помета: Лук. 51.
- 567 На правом поле листа киноварная помета: 1 Сол. 269.
- 568 На правом поле листа киноварная помета: Иоан. 45.
- 569 На правом поле листа киноварная помета: Деян. 35.
- 570 На правом поле листа киноварная помета: Матф. 75.
- 571 На правом поле листа киноварная помета: 1 Кор. 132.
- 572 На левом поле листа киноварная помета: 2 Кор. 183.
- 573 На правом поле листа киноварная помета: Матф. 83.
- 574 На правом поле листа киноварная помета: Матф. 50.
- 575 На правом поле листа киноварная помета: Лук. 98.
- 576 На правом поле листа киноварная помета: Иоан. 7.
- 577 На левом поле листа киноварная помета: Псал. 68.
- 578 На левом поле листа киноварная помета: Лук. 74.
- 579 Написано тем же почерком над строкой.
- 580 На правом поле листа киноварная помета: Лук. 73.